

長甯縣志卷一

輿地志

聖代疆索普極寰區無思不服譯象狄韞邑析安遠肇始  
古零星分碁布東南之隅犬牙相錯輔車相依閩粵門  
戶嘉名石谿

沿革

長甯在春秋時爲百越地漢高祖四年戊戌置雩都縣長  
甯地隸雩都屬豫章郡

三國孫吳嘉禾五年析廬陵地置南部都尉於雩都縣仍  
舊



西晉世祖大康三年平吳改南部都尉為南康郡縣仍舊

南宋永初元年改南康郡為南康國城於雩都縣仍舊

南齊永明初復為郡府志錄齊書永明八年罷安遠縣并虔化

南梁武帝大同十年甲子析雩都東南三鄉置安遠縣屬

南康郡尋廢

南陳郡縣仍舊

隋開皇中改南康郡為虔州廢安遠仍入雩都煬帝改虔

州復為南康郡

唐德宗貞元四年戊辰刺史路應奏仍割雩都三鄉地并

信豐一里為安遠縣其後改南康郡為百勝軍所領州

縣仍舊

五代後梁屬楊吳州縣仍舊

五代後晉高祖天福二年屬南唐改百勝軍為昭信軍治

虔州州縣仍舊

宋太宗太平興國元年丙子分江南為東西路虔州隸西

路大宋淳化元年庚寅改昭信軍復為南康郡郡縣仍

舊高宗紹興間欲改南康復為虔州校書郎董德元謂

虔頭州非佳名始為贛州以章貢二水合為贛也縣仍

舊

元世祖至元二十四年丁亥併安遠入會昌

成宗元貞二年丙申改贛州為路升甯都會昌為州安遠隸會昌州

武宗至大二年己酉復置安遠隸甯都州

明洪武二年己酉改贛州路為府安遠隸贛州

嘉靖四十年辛酉以安遠雙橋南橋入付項山腰古五

堡隸平遠縣四十三年甲子復還安遠

萬曆四年丙子都御史江一麟平安遠黃鄉賊葉楷析

黃鄉石谿等十五堡地奏立長甯縣屬贛州府郡縣釋

名取長久安甯之義也明年築城馬蹄岡

國朝因之編戶四里

國朝因之府縣如舊

按輿地廣記贛州於春秋時為百越地二漢屬豫章漢

以前不得而考矣然自梁大同十年以後歷陳隋自

唐貞元以後歷五代宋而舊志皆遺之今從安遠志

補入更參府志考訂夫有贛而後有安遠則當從漢

始有安遠而後有長甯則斷自梁始

舊志

疆域

縣治在

京師西南六千一百里省南一千五百六十里府東南四

百二十里東西廣一百六十里南北袤一百九十里

下十五里至船肚裏五里至分水坳交廣東平遠縣界  
一自絃歌門左三里至石圳三里至黃龍坳四里至和嶺  
五里至竹子坳十里至澁石排十里至古坑岡朱村墟  
十里至牛斗岡二十里至牛挨石五里至伯公坳交平  
遠縣八尺界 又自石圳稍西五里至黃沙溪三里至  
桃子園五里至葫蘆嶺五里至曾地逕十里至土康山  
五里至七寶樹下五里至腴田十里至雷車五里至雁  
洋坪十五里至大田龍村十五里至白石坳與廣東興  
甯縣交界 又自大田分路三十里至岑峯丹竹樓與  
廣東平遠縣象湖大路交界

又自絃歌門迤西十里至岡上十五里至鴉子湖五里至  
新村十里至黃鄉逕二十五里至溪尾十里至黃鄉司  
城西行十里至校頭十五里至分水坳右爲定南白沙  
界左爲安遠大平界 又自黃鄉竹背分路十里至白  
面石下十里至鷄籠嶂定南廳流峯交界 又自黃鄉  
司城南行二十里至煙墩嶺背與廣東龍川縣鐵龍交  
界 又自黃鄉司城東南行十五里至昌蒲墟下五里  
水精寨滂泥嶂俱龍川縣七約交界  
又自絃歌門西行十里至趙坑二十五里至上坪十五里  
至打鼓嶺安遠縣符山交界

東界馬戰嶺福建武平縣交界七十里 南界平遠縣

王官塘一百里 西界安遠縣大平六十里 北界大

陽關安遠縣交界七十里 東南界廣東平遠縣伯公

坳七十里 東北界盤古隘會昌縣交界七十里 西

南界廣東龍川縣吉祥九十里 西北界安遠縣仰天

湖六十里

道里

一自阜成門五里至長舉十里至長溪尾十五里至三標

官舖二十里至鴨子墓前二十里至大陽關安遠縣沙

含交界此往府陸路

又自阜成門稍東五里至羅壩五里至東園十里至雲蓋

嶺二十里至水源二十里至周畬二十里至清溪會昌

縣界

一自春旭門五里至五里亭十里至大塘面五里至西石

寨十里至大竹園十里至城岡十五里至沙羅嶺五里

至橫岡五里至盤古隘交會昌界自此至軍門嶺買舟

為往府水路 又自大塘面右五里至榜溪五里至滋

溪十五里至劍溪十里至黃竹湖十五里至離峯賴地

五里至馬戰嶺福建武平縣交界

又自春旭門稍南十里至楊梅坑十里至藍背十里至圳

曹起達曰公之地五百里食焉者半侯方四百里食焉者三之一此先王疆里必參相得也吾邑廣袤之數有限且崇谷連嶺食焉之地幾何察也利以恤民隱是所望于賢司

形勢

邑治奇峯環拱碧澗潑洄馬蹏岡江水繞其前銀瓶山嶽峙其後南標文筆北擅玉屏項山崔巍龍巖巖巖風控引閩粵遮蔽江右實嶺北咽喉之區明黃志序

通志云帽山插天鄔水經地府志云山疊萬峯溪迴百線

舊志云邑界閩廣之交四廂十二堡比互如犬牙縱橫如附趾登鎮山樓而望東則馬戰白花諸嶼岡陵虧蔽西則黃鄉諸山交錯糾紛北望虔州隱然如天表一線而

大庾諸嶺連綿以東獅象蹴踏雄在南界有盤鬱嶺崔之概沈志序採

縣距郡城數百餘里為四方肘腋投鉅者之所必爭黃花黃鄉諸險葉賊之所嚙聚扼要戰守之策明時規畫猶可按籍而考今其邑控連三省創設僅二百年轄制之邊幅風教之暨訖為安枕無警矣而大陽一關接安遠之砂涵界峻嶺雄峙頂折一坳恍立門戶各分界址北安遠而南界接長甯極地形之陡峭隘口凡有三皆所以資保障而守永固矣採朱府志

關隘

全處屏蔽扼塞石谿地分關隘津繞危蹊行李跋涉山巔水湄懷商惠旅王政所垂厲揭不病奸宄是彌勿謂

彈丸保障繭絲舊志

太陽關在三標堡距縣六十里接安遠沙涵界峻嶺雄峙頂折一坳恍立門戶關鎮其中以嶺水分界北安遠南

長甯

盤古隘在大墩堡距縣七十里以會昌錯壤前令宋儒任與會昌合黃鶴會勘立界以會昌汛中分之汛以南長

甯汛以北會昌舊志

弔師隘在八付堡 丹竹樓隘 藤嶺隘

白石隘 三車隘 都司隘

以上三隘俱在雙橋堡距縣百里東連平遠南接興寧而白石隘尤為衝險有協防駐劄

牌口隘在黃鄉堡老虎石下距縣八十里與龍川縣吉祥

接界

猴子隘在黃鄉堡距縣六十里與安遠符山交界

黃竹湖隘在滋溪堡距縣八十里

黎坑礫隘在桂嶺堡距縣六十里

十二排隘在項山堡距縣四十里

舖遞

縣前總舖遞三十里至三標堡官舖交遞三標堡舖遞送

三十里至安遠縣砂涵交遞

廂堡

東廂即舊石痕堡距縣五里東至弔狗嶺仙水坑滋溪界

南至仙人圳腰古界西至弩子嶺羊乳石北廂界北至

方田段帽子嶺九對圳鄴鄔界領村七

長嶺 大路下 東坑 圳陂  
上鄉 胡棚田 石痕

北廂即舊石谿堡距縣五里東至麻地坳東廂界南至大

人嶺南廂界西至暗逕分水坳三標界北至雲蓋嶺劄

鑼窩甜魚礫三標界領村六



羅帶 屋園 東園  
圳頭 長溪尾 長舉

西廂舊勞田堡距縣五里東至上逕雲屯尖三標界南

至青草湖黃鄉界西至齋庵嶼安遠界北至涼傘嶼九

子嶂三標界領村十

長布 上田背 溶洞 上逕 下坪  
趙坑 章明畚 溪尾 上坪 下羅坑

南廂亦舊勞田堡距縣五里東至八付堡老鴉潭界南

至羅背嶼南橋堡界北至大人嶼界西西廂界領村十

二

石圳 河嶺 桃子園 下田背 大河唇 新村  
小布 網上 竹子坳 鴉子湖 圓合

水源堡距縣五十里東至分水坳桂嶺南至三標逕界西

至黃狗陂三標界北至官山嶼樟畚界領村十

竹園頭 袁屋 東山 磽下 礮 大湖壩  
樟樹壩 坳背 龍塘 嶼 苦竹嶺 高寨下

三標堡距縣四十里東至橫岡嘴水源界南至七坵田上

逕西北廂界西至仰天湖安遠界北至大陽關桐梓地

安遠界北至弔顏水源界領村十一

三標 鴨子墓 田心 小湖嶼 燕子窩 鷄籠山  
逕口 船木坑 土嶺 觀音劍 大湖嶼

桂嶺堡距縣四十里東至赤嶺土公坳大墩界西至鄰鄰

觀音坑界南至丹竹坑滋溪界北至牛牯嶼婆扇嶺大

墩界領村五

桂嶺 族坑 周畚  
岡背 中村

大墩堡距縣七十里東至河芳嶂沙羅嶼上津安遠會昌  
界南至赤嶺桂嶺界西至水源界北至盤古隘會昌界  
領村八

大墩 長畬 周田 溪尾樓裏  
黃岡 鳳窩 破嶺 半蓮 蔦薺塘

腰古堡距縣三十五里東至分水坳平遠界南至溪口甲  
松山溪入付界西至藍背甲南廂界北至吉潭甲頂山

界領村九  
蔣坑 盤嶼 陳屋棚 吉潭 林陵下  
黎坑 圳下 山崖畬 藍背

滋溪堡距縣三十五里東至馬戰嶼武平界南至葛耳逕  
陳坑溪項山界西至蔣坑竹子岩腰古界北至仙人橋

大墩界領村凡 十二

滋溪 劍溪 李坊 賴地 黃竹湖 漁溪 寒地  
榜溪 蓮塘 李畬 布尾 大竹園

鄒鄔堡距縣四十里東至滋溪界南至東廂界西至三標  
界北至桂嶺界領村七

北亭 汶口 大嶺下 滑子坑  
凌富 城岡 銅坑嶂

項山堡距縣五十里東至武平界南至平遠界西北至腰  
古滋溪界領村十二

項山村 曲水灣 中坑 書園 平地 船肚  
黃金潭 大中 棚林 黃拔 大壩 斷舟

八付堡距縣四十五里東至湘湖坳平遠界南至相坪南  
橋界西至天滋峯南橋界北至老鴉河南廂界領村十

七

林田壩	石排下	涵水	會地	青龍	下隔
碓下水	張天塘	小全	上隔	珠村	下廖
滿坑	大爐下	古坑			
壺塘	麟石背				

南橋堡距縣五十里東至伯公地平遠界南至陽和山雙

橋界西至石峽黃鄉界北至鵝子湖南廂界領村二十

三

熱水	猪蛟窩	上龍	龍圖	鼓炭下	土岡山
角背	蠟園裏	昂湖	坪上	定田園	七寶樹
定田	車龍壩	車頭	角田	藤嶺	牛斗岡
黃壩	獺塘圍	黃塘	羅陂	陳田	

黃鄉堡距縣七十里東至分水地西南廂及上龍逕南橋

界西至下逕分水地定南界南至烟墩龍川吉祥界北

至青草湖西廂界領村二十三

舊司城	高車壩	田心	滋溪	香山	方營
糶米岡	葉屋圍	高阜	黃田	溪尾	岡下
竹背	大仙背	石峽	湖嶼	白面石	老虎石下
高頭	青草湖	汪坑	神岡	黃土潭	

雙橋堡距縣八十里東至上下礮溜頭合畚平遠南至大

田馬子地興甯界西至陸坑白炭頂黃鄉界北至田坑

赤土炭及銀子沿石南橋黃鄉界領村三十四

田坑	羅塘	上羅	偏畚	黃沙	焦坑	雷車
石馬	腴田	鵝湖	綠坑	大同	黃壩	大田
藍田	曠田	石碣	上礮	石貝	岑峯	雁羊坪
龍村	邱坊	濁坑	下礮	溜頭	丹竹樓	石頭埔
黃藍坪	鷄子叫	彭皮湖				
黃土嶺	張干寨	羊麻礮				

吳之章曰邑初舊制城外十五里為四廂廂外為堡

獨西南邊隅頗少故盡五十里屬之西廂與安遠接壤環邊五六十里自趙坑上下坪蛇基老墓延袤一帶皆屬焉悉崇山疊嶂村落星散故烟竈雖多僅敵一大堡惟邑中所需竹木皆出於此東南北三廂而外則十二堡聯絡環護其堵禦外侮之勞非西廂可比蓋長甯接壤粵東者什之六安遠者什之三餘則福建會昌犬牙相錯耳迄今滋溪項山腰古八付南橋雙橋黃鄉七堡之地雖逼近粵徼而土著充滿深山窮谷鷄犬之聲相聞邛隆之盛近古以來蔑以加矣

曹起達曰里甲之制成周比閭族黨之遺也自秦并田廢俱巧借周禮起軍旅作田役之言以徵派於里甲而敎親睦之意漸然盡矣我

朝鼎新尚因明制而里甲猶有老人練總機兵等目至

世宗時利興弊革老人練總概從裁去雜役公務毫不取

派里甲機兵改爲民壯驅走呼諾與傭皂伍而里甲

之農工商賈一無滋擾滋之編爲里甲非以僉丁雇

役惟用康我兆民而已十家入家共相連屬凡逃竊

兇博敗群踪跡不明得以相知相告相友相助敎民

親睦之風寓焉誠

長甯縣志 卷之二  
聖朝軫恤民隱之宏規也

長甯縣志卷之三 城池志

我疆我理於隍於城役民之力衛民之生保障南國

藩蔽項鈴粵閩襟喉贛郡鑰扇金湯孔固有備不驚

恩威遐訖遙拱神京

志城池

明萬曆三年乙亥知府葉夢熊奉都御史江一麟題准分  
割安遠縣十五堡建縣馬蹏岡檄安邑令陳行可度地尋  
檄新邑令沈文淵築城周圍四百六十六丈九尺五寸高  
一丈八尺雉堞九百有奇警舖六爲門四東曰春旭小東  
曰陽和南曰絃歌北曰阜成新闢北門曰啟秀道光十九  
年開覆以敵樓後建鎮山樓置大砲六崇禎九年丙子奉

檄改減雉堞四百有奇加高三尺

國朝康熙九年庚戌西城圯二十餘丈經知縣井廡重修後知縣蔡賓興重建南門樓自爲記

郡志

記云余初至邑閱視城垣雉堞之圯毀輒鳩工修補復其舊規而絃歌門樓岌岌將墮卽欲葺而新之以新至任未暇也迨壬寅公餘乃進邑紳士而語之曰城有敵樓所以鞏守禦亦所以壯觀瞻方今 聖主當陽德威遐訖山陬之民外戶不閉何急乎此樓然邑僅四門自東至北三樓歸然而南樓獨頽然將廢其若觀瞻何矧茲門號絃歌則文教寓焉所關非細余將謀所以新之紳士皆曰請乃召

匠庀材是斲是度爲陶爲甃木之費八而磚瓦之費二予捐俸金一百六十有奇紳士復不憚勤勞且夕董其役經始於七月至臘月而工告成言言翼翼如革如飛視東北之樓加麗焉目前之觀瞻壯矣傳云豫備不虞善之大者也是雖余之不揣綿力綢繆未雨然非諸君子之踴躍匡襄亦不能相與以有成也由是吾邑之民皆將顧名思義服習詩書興起仁讓庶無負絃歌之目歟是爲記

乾隆二年邑令程士錦四年邑令鄭大敬七年邑令沈濤節次修補時修復圯

道光十八年城西北鼓裂二十餘丈邑令朱蘊倡修紳士

踴躍尅期興役春旭陽和阜成三門折其舊址重新城北  
添闢啟秀門上為趙公魁星樓雉堞警鋪悉行重建鎮山  
樓址久圯重新鼎建朱堽自為記費緡二萬餘工程完固  
迄今十載逆匪鬧事城足堅守民賴以安

邑合朱堽鎮山樓記云遊山者勞望山者逸然遊山者鑿  
險繼幽可以窮其力之所至望山者不過得山之一邱一  
壑而止至層巒複嶂之勝往往藏於烟雲杳靄樹木蒙翳  
之間而無由披覩然則不特濟勝之具而能搜勝概者是  
在擇夫覽勝之地而已長邑依山為城當西一面地最高  
歲久不修垣堞皆圯道光丁酉冬會閱城至西北隅見山

之隱於林木外者或立或樸或拱或揖曰於虞此柱笏看  
山之勝區也奈何令傾頽若是曹君寅咨劉君載軒告余  
曰邑之西城舊無門昔之人為可以見山也建譙樓一所  
榜曰鎮山今惟故址存焉蓋城踞乎山之上而斯樓者又  
高出乎眾山之上猶憶少時登樓而望雙塔峙乎城隅一  
水繞於岡足其巋然獨立蔚然而深秀者邑東之項山也  
南行六十里隱然碧出於石門上者盤龍寺也北則雞籠  
橫亘可以攬朝霏焉西則雲屯直拔可以延夕照焉凭闌  
久之如讀古畫檢異書戀戀不能舍會幾何時而晝棟朱  
甍俱已淪為榛莽矣余聞之慨然有修葺之願戊戌夏謀

於土庶興築城垣越年餘工始竣并治樓而新之每聽政之暇躡梯而上左抱琴右持筆洞開八牖俯瞰四郊視曩之岡巒伏藏而不出者莫不攢青疊翠獻媚於譙門之內臥而遊之直欲寫入鵞絃而合衆山皆响也昔謝康愛永嘉山水尋厓陟嶺常着木屐然遊跡所踐得不償勞今登是樓也足跡不越乎城關其力逸興趣常寄於煙霞其情又逸邑之人升高望遠必有題詩上頭而具覽勝之才者則不獨官斯土者可以享其逸竊願與邑之士大夫同享其逸也夫

黃緝司城初隸安遠今在縣西南八十里明嘉靖二十三

年甲辰贛撫虞守愚兵備副使薛甲議建周圍一百二十五丈五尺高一丈五尺雉堞二百有零門曰鎮定覆以敵

樓少宰歐陽鐸記乾隆六年辛酉巡檢張艷重修乾隆三十年閏

二月初六奉文按縣志畧云黃鄉司城嘉靖時贛撫虞公

守愚始築添設巡檢司併移安遠隄脩之兵駐劄其地與

弓兵相兼防守但地界和平龍川距安遠縣城二百里舊

爲葉賊巢穴斗城孤立危若累卵江公一麟決計剿滅葉

賊乃建縣於馬蹠岡城勢偏西北黃鄉新坪兩巡司俱在

縣南七八十里相距而縣治扼其上游地邑居民叅相得

也自建縣後閩粵劇賊猶出沒黃鄉如謝志良許其達葉



魁龍等蜂擁集旆滅旋起迄三藩亂定邑治無事又新坪司城向設丹竹樓密邇平遠象湖之境繼乃移署於雁洋坪其間地廣民稠所轄雙橋爲邑南偏大墩故自大墩三徙而墨食於此云

歐陽記云贛江省邊郡也其屬皆巖邑牙錯閩廣之間而安遠尤僻遠編戶十里爲保者二十七而黃鄉尤深阻大帽山跨連三省去治遠旁邑又懸不相及賊穴其中斷西南二路繭石布梁搭節無道可聞異時掉臂往來莫有過問者正德初四出掠縣臨吉爲弗甯朝廷用陽明王公督軍務始議征之調集大兵用葉芳爲鄉導二年古平芳死

有衆七千其兄春領之久益縱居民不能完其妻孥壬寅之變戕官殺軍而遁東崖虞公守愚適奉簡命至有以攻瑕之策獻者公笑而不言密與兵備副使薛君甲籌機畧竟不煩重兵縛春父子磔於市以葉金撫定其衆首賊會祖華者與金爭長金黨殺華因而解散者三百人父老咸喜更生而不能懼公大臣當歸天子左右辭大夫行叙遷去如後何其智者則曰鑒事當於其近救患必於其所致往者多故非由官兵不相及然耶今請於黃鄉中處設立巡司督兵以議增隄備官提卒相與犄角如是則節短而應疾然野宿亦不可常必築城保濠塹其外內爲公館營

房以待官兵居守又請自縣建各保皆立小學聘師爲子弟式庶幾意與法存以徼惠於無窮相率懇於督府下兵備兵備下縣勘議物土田舍皆爲稱費欲乞諸鹽稅之餘工役則百姓願盡力瑞金知縣趙勳覆之加詳焉薛大夫受而欣然曰難得者時易失者機賊平而民情若此機矣督府公明仁愛豈於爾民惜費耶茲有大利者三強梗彈壓則有所不敢爲惠潮之寇顧後則不敢深入土兵有室家則心繫緩急惟吾所用之或曰小學之立文乎哉曰化俗所以弭盜其勢緩其功遠矣東崖受而斟酌焉具本末驛聞得設添巡司乃檄有司出稅餘斬刈蓬藿建立城堡

凡若干丈中爲公館右爲巡司小學附館之左營房附司之右雉堞雄固層巒失險旗幟明鮮鷹隼來翔蕞爾黃鄉遂與大縣等嗟乎地利之不可已也孫子五事二曰地其言形變詳矣然必知變而後得形而後利可居也黃鄉於法爲隘爲圯爲爭爲交中豪傑多矣而莫有議及者事固有待耶聞之治兵如治疾嘗之以平劑雖不奏功亦不致斥後而病日深不可治此則養之之過也金石草木鳥獸毒烈之味峻投之病亦已然而死亡繼之此則決之之過也不求近效不幸後功除疾務盡衛生務周表裏司命不能必其身之常雷非妙達脈理而誠有愛人之心者不能於

乎黃鄉之城文武之事具焉方諸除疾衛生尤大且悉室家笑語與伊吾聲蟬連相聞豈惟今日將百世是賴豈惟南顧諸邑唯是吉臨惠潮汀漳延袤千里可無突門毀垣之虞矣於乎豈非仁人之功哉

小東門月城同治三年知縣張廷珩督率邑人捐輸加築鑿池引水名曰承流城高二丈三尺厚四尺五寸周圍二十四丈

北門炮台同治甲子三品封職何亦松候選都司何世綸叔姪捐造費金一千有奇督造孫藍翎都司銜營前汛把總世球優廩生儘先訓導世臣順德縣紫坭司世垣藍翎遊擊銜世纓縣丞銜世輔亦松父子叔姪承祖父芳秀封翁之志好善樂施急公仗義咸豐六年粵匪滋擾慷慨捐資三千餘串以濟勇糧而保城池翁之後裔富而好禮樂助軍需九年髮逆逼近

軍餉維艱亦松父子祖孫叔姪共助錢壹千六百餘  
仲明府保獎世球世綸俱五品頂戴孫家傑九品頂  
戴所築砲台誠桑梓之保障城池之護衛也

長甯縣志卷之

山川志

畫井分疆水流山峙石谿清泚項山巔巔峯環瀉纏屹若  
帶礪閩鍵鉞鑄門戶是特地運漸開人文斯起足供遊  
賞亦昭仁智

志山川

山

環邑皆山其崛起爲羣山之雄者爲

雞籠嶂距縣四十餘里三標堡境自安遠九龍嶂綿亘百  
餘里爲縣龍起祖之山山下有泉曰酉泉流大於縣城  
爲馬蹏岡水

白雞籠嶂起南行十餘里爲

大湖嶂三標境爲縣龍分支兆脉之山安遠仰天湖擁其後其右爲安遠三百山諸峯奔赴蒼翠鬱葱如天馬行空層巒聳翠又如游龍戲海萬頃拖藍從旁抽脉盤旋委蛇秀麗絕倫

自大湖嶂折而南數里爲

小湖嶂又數里爲

黎坑山三標境有路破岡屈曲有七八里許左右密林邃谷中有集雲留雲二菴集雲最爲幽勝

銀瓶峯在縣治西二十餘里西北廂界聳特秀麗爲切

近兆脉山川清淑之氣悉聚于此

涼傘嶂西廂境屹然秀拔高數千仞俗以其鏡上豐下形如摺傘故名山半有石室空洞有光中有清流一線可容百餘人村人避亂於此其頂有泉注池四時不竭俯瞰縣城村落如在目前又旁接一山岡巒九疊爲

九子嶂在縣西三十里山勢尊嚴可眺數百里俯視羣峯帖帖在肘腋下亦一邑之望山

又自上逕南迤十餘里爲

西華山有古刹數椽極幽靜吳之章邱上峯有遊西華庵詩詳寺庵

又南迤十餘里爲

西山爲縣后龍城環其上形若半月縣署建於其麓舊有古松五株龍鱗偃蓋數百年物也邑人邱上峯有五松吟

馬頭山絃歌門外一里縣治關鍵環抱城池若馬首之回顧有庵曰迴龍寺康熙四十四年乙亥邑令朱騰蛟建庵於其上曰福甯禪寺歲久傾圮道光二十四年邑人重修

舊志長甯八景皆有詩文爲鈔胥者漏去今先補入詩文各附其下其餘廂堡鎮山隨地編入詳載以便查考

一曰鎮山高閣后山

一曰江東曉鍾陽和門外

一曰文筆秀峯南廂

一曰西巘雲屯西廂

一曰龍巖仙蹟八付堡

一曰桂嶺天香桂嶺堡

一曰石傘標英南橋堡

一曰鈴山振鐸黃鄉堡

鎮山高閣

鎮山樓踞城西巔登覽遠眺諸峯森立俯視城內煙火迷

離歲久傾圯道光十八年邑令朱稟修城重建自為記  
邑令王訓題曰觀稼樓為縣八景之一 未記詳藝文

即土藻詩云鎮山高閣踞城頭四面軒窗作卧遊峯矗南  
天當畫棟雲飛北嶺控危樓簾鈎翠捲千山立隴畝青  
分一水流夜湛露華凌碧落層簷獨向月波浮

謝承詠詩云傑閣枕山山益高當年莫定憶龍韜樓頭曉  
角淒霜月天際虬松捲夜濤倚檻何人追故蹟留題猶

自溯神臯生逢盛世烽煙靖揮塵長吟興自豪

邑令王訓題曰觀稼樓

詩云民實關情厓有秋為題觀稼在斯樓登臨豈為遊

觀樂歎賞多貪菽麥收廢址百年今鼎建荒臺萬古孰  
重修後之視昔猶今我銅雀蘭亭感喟留

邑教諭周際飛詩臨川舉人 號春田

丙午仲夏鎮山樓讌集維時風雨驟至絲竹繁會杯盤  
狼籍盡歡而罷詩以紀之

鎮山高閣城隅立 箸樓先生東坡笠戴笠登樓一長  
嘯捲地風來雨亦及簷前鐵馬驟丁璫檻外娟娟修篁  
濕子厚撫笛過行雲雲收雨霽風習習藍生慷慨工彈  
詞甯子琵琶四絃急一曲未終敝具陳蓋鶴烹鳧屬鷄  
汁座間心泉老明經鶴髮蒼蒼年八十夏衫秋帽歡冬

酩借箸雄談短兵接劉生 邱生各提壺笑我也似長  
鯨吸壯哉楓亭愛作詩新詩思得滿樓貼 裕堂先生  
詞壇將珠玉咳唾人爭拾請君一咏問一觴擬作蘭亭  
少長集

邑訓導吳仲會詩高安舉人號裕堂

環樓羣峯皆壁立仰視天形如覆笠興來結伴縱登臨  
人生行樂當時及况值炎方復炎天熱氣熏蒸汗流濕  
先生講堂多餘閒弟子亦暫輟時習攜壺擔盒到城隅  
茲事豈可云不急兩師風伯乘興而偕來故遣黑雲潑  
墨汁須臾雨沈原郊青明媚如春當九十筵前絲竹轟

絃歌人籟天籟如相接斯時意氣互低昂風雲直可通  
呼吸春田先生紀作詩位置諸人皆妥貼篇終索我作  
和章我逢善射亦決拾但歎年來久廢吟恐惹詩債紛  
蝟集

邑人拔貢曹觀光詩

城隅百尺起高樓城外城中一覽收山聳玉屏通粵嶠  
地連閩海障虔州塔從曉霽撐雲出溪帶秋聲抱郭流  
到此幾忘塵世界何須天外更昂頭

江東寺

在陽和門外對河一名無爲庵縣八景之一

江東曉鐘



曹起達詩云漏盡熹微曙色新鯨牢流響度江濱隔城恍  
惚寒山夢別殿依稀長樂春斷續曉風聲泛濫迷離朝  
霧考遂巡漫宣梵偈都無象平旦音聞覺候真

謝承詠詩云疎星落落點長空隔岸清音出露叢鏗鞳何  
來迷雉堞悠揚端自繞梵宮晨霞未啟一天錦下界先  
驚半枕聳夢覺黃梁會熟否神仙聞說在江東

劉修紀詩云纔殘春夢夜無餘兩岸嵐侵曉色初霞映山  
城形隱躍鐘敲古寺響蕭疎輕翻燕剪禪扉寂暗織鶯  
梭柳眼舒起坐何須窮遠眺箇中領畧識盈虛

吳之章過江東寺詩云梵宮一水隔相去未爲遙甘載方

重至叢林已半凋殘僧存後輩斷碣識前朝聞世何須  
久浮雲過碧霄

邑諸生駱效駿詩用溪西雜齊啼爲韻以雨絲風片煙波  
畫船八字裝頭

雨歇疎鐘度隔溪絲飄柳線遶城西風敲雲散驚殘夢  
片月稀星唱曉雞煙鎖梵宮迷霧斷波衝灘曲落潮齊  
畫樓聽罷豐山韻船載舫歌和鳥啼

文筆秀峯在縣南二十里南廓境秀麗聳拔銳同卓筆  
與大成殿相望八景之一

邱上峯詩云終南碑兀洗清秋高脫穎鋒立翠樓青點綺  
霞題雁字碧流雲海繪瀛洲衡陰孤接大虛外嶽色遙  
尊最上頭自是離明輝正氣魁光奕奕照琳球

曹起達詩云天作靈峯秀更奇銳同卓筆向南支蘸將銀  
漢磯頭石圖就錦霞軸上絲兩道垂虹書佩帶一彎新  
月畫娥眉從知造物非無意特著文明位正離

邑舉人曾應選詩云欲寫青天紙一張煙雲入妙盡文章

鳳鳴都在峯頭立雞距却從筆底藏春到生花何待夢

秋深垂露亦其常開門坐對層巒出雁字排來引輿長

西嶽雲屯縣西二十里西南境翠嶺極大尖峯從旁特出高聳雲表煙霞舒卷圖書天成八景之一

釋元籌詩云孤峯危似削雲在此嶺屯早暮看舒卷陰晴

占去存兩生天可接月到手堪捫黶黹為霖易休輕動

石根

釋登岨詩云亭亭秀拔一峯孤柱入青冥半有無不是習

雲籠不盡晴明留與表方隅

龍巖仙蹟縣南四十里八付堡境石巖璽璫大小百餘穴下瞰溪潭前為僧寺架棧道頂有鐵力木一枝

不落不朽有石炭獅頭皆人跡不到之處有巨  
人跡入石寸許有小竇舊聞出米今堙岩之右  
日鐘潭明月坡可坐數十人為縣八景之一

賴開元次吳松若詩云巉巖矗起大虛中結構類猜鬼斧

工闢就香臺千仞上鑿開雲竇幾層空僧栖近寺常邀

月客過懸崖欲御風興劇自應酌好句催詩休使雨濛

濛凌空石閣遍諸天登陟飄飄似欲仙雲氣自侵連幔

捲燈光暮起雜星懸更深斜月巖前吐籟寂踈鐘谷外

傳信宿懸壇詞賦客休教驚動老龍眠

又明月坡 在巖畔

賴開元詩云一輪冰鏡架巖巔  
漾月平坡桂影全地迥俗  
塵光愈潔江涵素練皓無邊  
翻將空谷疑蟾窟直以澄  
潭作蕊淵跌坐開樽堪竟夕  
好憑新句寫婣娟

桂嶺天香 縣東五十里桂嶺堡周遭廣行舊時嶺頭桂樹雲簇花放時香聞數十里為縣八景之一

黃天策 信豐 詩云桂海迷茫粵嶠連  
娑娑樹影映婣娟珠

英磊落方盈谷金粟氤氳正滿天  
春透小山人獨賞秋

聞天竺客同窅飄來雲外尋  
常艷月戶新修萬八千

邱上藻詩云招搖種自廣寒分  
碧葉丹心簇嶺雲月杵搗

開金粟蕊秋風吹度玉華芬  
一枝瑞彩彌天馥萬斛清

香遍地熏佳韻每深多士志  
芳閨曾賦小山文

石傘標英 距縣四十里南橋堡峻嶒峭拔懸崖飛瀑夕陽朝旭燦若舒霞為縣八景之一

陳九韶詩云遙望南橋怪石崖  
儼然華蓋下天階有風不

展重簷整無雨猶張疊嶂排  
應為仙家丹竈護豈堪塵

世黑頭遮巨靈削就稱名久  
今日題詩景益佳

邱上峯詩云星躔華蓋屬南橋  
石紉重簾霞外飄暮閃炎

官朱傘出曉連越巘赤城標  
翠岕張聳籠清淑嶺嶠擎

分界瘴潮征雁一行空際沒  
側身斜望海天遙

鈴山振鐸 在縣西南七十里黃嶺堡山峯秀拔高入雲際山麓僧寺甚多前為香山眉阜蜿蜒右則

雁山峭壁若削中藏村落各具勝境爲縣八景之一

邱上峯詩云黃鄉絕巘踞天關楚色遙分限百蠻滴翠龍檐插九子望雲璈奏擬三山松濤散響春回夢地籟鳴秋石點頑欲浣銀河擎玉筍浪花湧出月灣環

吳之章鈴山訪僧竺乾詩云鈴山山半結招提下有寒流似虎溪僧出治畚攜遠火客來訪勝策枯藜撲衣峯影天邊落繞徑嵐光谷口迷乘輿却忘蘿磴杳迎歡幽鳥趣人啼

官谿山距縣北三十里在三標堡界沓嶂綿亘箐藪叢深昔爲山寇伏莽至今天雨陰霾常聞鬼嘯

圓石山在北廂距縣十里與雲蓋山相連飛瀑四懸虬松怪石歷落如畫躡其上可目窮無際

雲蓋嶺一名玉屏山在縣北二十里三標堡界連障疊巘青葱鬱翠如列畫屏綿亘數十里與九對嶺相連四時雲氣如蓋故名

銅坑嶂在縣東二十里山後鄣鄣堡界嵯峨雄特相傳爲產劍之所側有仙羊巖石頗幽勝僧居之前眺東南諸山若翠浪然

九對嶺距縣二十里東廂境與銅坑嶂帽子山雞籠嶂五子嶂雲蓋嶺項山臘坑嶺銀屏山雲屯尖九山相對因

名山半有村曰義地鄆鄆界

石馬山在縣南二十里巖崕峭壁怪石嵯岬形如走馬

三將軍距縣二十里南廂境卓立三峯故名

過雲嶼在南廂距縣十里三山齊立崇隆俊麗爲邑山川

之扁鑄四時雲霧卷舒因名

打鼓嶼二一在南廂距縣二十里峯巒秀麗高冠羣山透

迤二十餘里其支山有章古螺蓮花山穆湖岵大坑嶂

和廉嶼皆層巒邃谷氣象鬱葱中有觀音山棲雲庵

又一在西廂距縣五十里外接安遠符山界

臘燭寨在縣南三十里南廂界數峯連綿山半有獅子巖

五子嶂距縣二十里南廂境五山並峙林木陰翳相傳昔

曾屯兵於此樵者往往得朽甲磁器諸物

帽子頂距縣北三十里鄆鄆堡嵯嶇巖巖其末圓銳如冠

頂老樹蔓雲藤蘿蔚迤在數里爲誠宜砦有石如几

如橙如屏陡立二石柱曰朝天門復有圓石如磨廣可

數丈下承數寸小石懸離尺餘烈風猛雨不爲畝仄越

石爲銅鐘砦嶙峋幽邃陰霾時土人每于此聞金鼓聲

天台山在縣西二十餘里西廂境自山麓循石磴曲屈而

上有數百級左右有蒼松丹楓數株皆泰天黛色半山

有古刹數椽俯瞰羣山縹緲翠浪萬頃一望無際寺壁

有詩二首無姓名其一云上到城西第一峯天台有路也相逢誰那誰尹渾無跡爲阮爲劉詎有踪洞口野花如欲笑山腰古木若爲容羊腸歷盡真辛苦指點煙雲透幾重其二云生平學得是踈慵不策長筇與短筇培植難忘三秀草盤桓猶撫五夫松堪嗟歲月真如客便讀詩書也作備誰似班超投筆去管城拋却博侯封九子嶂在縣北三十里山勢尊嚴可眺數百里俯視羣峯帖帖在肘腋下亦邑之望山

下坪山距縣三十里西南廂境廣袤連安遠界重巒積翠叢木陰翳遙望如密雲重霧

清平寨在水源堡距縣北四十里高聳員頂清夷平坦有古松數株可坐百人遠眺水之源委爲一保之障

大營岡距縣三十里腰古保境周遭皆平原田畝中突起阜岡平埔廣袤可一里路當孔道曾立大營于此邱士藻曰立大營者或云宋信國公文天祥或云明皇姑也明事無徵當以信國爲是

邱士藻曰按綱目端宗之時景炎二年帝在惠州之甲子門信國開督汀州吳浚守瑞金正月元阿剌罕入汀州信國奔漳州吳浚降于元元使浚至漳說信國信國責以大義繼殺之三月信國復梅州卽今嘉

應州也五月自梅州出江西復會昌六月乃敗元人于雩都次于興國分使趙時賞張日中等復吉贛諸縣是長甯道爲梅會必由之境而大營岡爲長甯道必營之所惟迂道可從汀州出然多費時日而阿刺罕據汀州大兵攔截綱目史冊未見有先復汀州明文則舍長甯道別無可由之路蓋古昔名賢流寓卒葬每多兩地互見况信國提熊羆之衆伸大義于天下義旗所向薄海同欣而謂至止之地有不感動一時留傳萬世者乎名之曰大營非天討其孰能當之邑令李廷輝大營岡懷古詩云信國流離肅隊行大

營扎處見平岡喪師汀境奔漳邑振旅梅州復會昌忠赤一腔惟報主山河四裂獨勤王至今廣袤周原在落日寒鴉幾夕陽

仙人橋在縣東三十里鄴鄔堡境山勢陡絕形如幞頭三面壁立鄉人于此禦寇山半有石磴如橋橋盡處有崑內有清泉四時不竭山下有庵曰獅林附近則椒子寨萬安石皆奇巖頂平坦可居數十家山後又有大陽寨飯羅寨相距不遠

邑人諸生劉鳳杰仙人橋詩云峭壁何年架此橋天梯雲路接山腰平臨萬仞疑無地高矚千尋直透霄過去遊

長清縣志卷之二  
一 人皆胆落昇時豪客亦魂銷仙人杳矣仙橋在惹得尋  
芳結伴招

邑令蘇需芬詩靈石擘半邊云仙曾來去名橋實非橋何  
能與仙遇石空高出泉岩懸倒生樹側轉有平坡四壁  
險且固雖可居百人豈願有飛渡堪嗟世人愚爭險挽  
帷駐我卽從之遊免使訟竹素紆迴劍溪左憑眺傾指  
顧幽棲而險逼只可廣仙獲縱言可避亂何必定其慕  
況有團練方不宜輕移步扼險險必爭此義人少晤

邑人曾心泉步韻仙人好樓居石室亦不棄丹邱莫尋踪  
赤松亦難過龕燃琉璃燈壁植交讓樹虹橋萬里遙

橋千年回朝弄泰山雲夜喚弱水渡九千仙桃熟十八  
仙顏駐藕爾仙人橋何勞托毫素果有仙飛來豈足當  
一顧夜月緜嶺笙可以媿韶護天水違行時難使愚頑  
寤夸蛾負以去弋人復何慕達觀通仙者斯理當會晤  
黃花山縣西四十里許西廂境界接安遠中有洞谷一溪  
流出清澈如鏡滿山黃花昔人有詩云雲深林又密歷  
日得來艱空谷重陽到黃花定滿山

鵝子湖山縣南三十里崔巍蒼翠周遭有餘里山巔有池  
四時不涸常有白鵝浮其上

登豆嶺縣北五十里三標境峯寧孤峙形如俎豆舊名橙



嶺郡志改從今名北六十里為大陽關安遠長甯分界  
雪山嶂距縣五十里南橋堡境蒼翠聳拔為南橋堡羣山  
之冠入夏雲冒其上至冬冰凝其陰儼如積雪故名山  
後平遠八尺界

長山嶂距縣南五十里南橋八付二堡界山形崔巍頂平  
衍七八里望如長城

遠觀石縣四十里八付堡界可瞰數邑石峯如削高入青  
冥躡之洞然有聲中虛一竇可通前後泉脉甚大徧注  
眾壑若萬斛明珠灑落際水石之勝無過於此

金岡山距縣南四十里八付境高冠一堡綿亘二三十里

村落聯屬幽勝絕倫中有田半畝可種芋無泥以砌芋  
一夥至收時每夥有五六斤火煨即熟味甘美人爭市  
之

特秀峯縣南六十里黃鄉境孤峯特起高插雲霄秀麗絕  
倫

大帽嶂縣西南七十里黃鄉境一連三嶂有二帽三帽之  
名綿亘十餘里下為大坳上通大路

雞竹帽縣南西七十里黃鄉境疊巘紆迴盤亘十數里叢  
箐蔽日峻谷幽陰昔為葉寇巢穴左為大羊峯右為小  
羊峯有聯絡犄角之勢最稱險隘

大陽迺在縣西北六十里安遠界

沙羅嶺一名赤嶺嶺距縣六十里在大墩桂嶺二堡界南  
幹龍入閩浙者於此山過脈爲潮惠通衢水路往府經  
此

寒地山在縣東五十里滋溪保境深巖大壑樹木蒼鬱紆  
迴二十餘里中有村落盛夏如秋故名 國朝文學寒  
地山詩云盤迴一徑入巔峴部屋參差畫裏看不是松  
杉森萬樹誰令四氣總淒寒

老鴉石去縣五十里項山堡境與項山東西相望跨連江  
閩頂有石洞俗呼爲老鴉嘴當秋每有怪風山洞中傷  
禾稼土名每累石塞之頃刻吹散後歲以醮禳始得無

恙

周畬山縣北六十里桂嶺保境遠谷中有村落修竹遍野  
溪水潺湲爲湘水發源之山

馬戰嶺縣東八十里滋溪境高二十里廣七十里東武平  
禾坪隘西跨李畬安遠南接白花嶺北武平龍鐘山葛  
有青黃二種薇蕨黃精

邑令郭昞詩云蜿蜒直上出重霄霧靄雲蒸鎖半腰極目  
遙瞻天五尺回身俯視練千條風狂嶺畔人難立日暖  
峯頭雪未消不是奔忙名利客似茲絕險那遊遨

項山爲邑鎮山距縣五十里跨江廣雙峯插天高瞰數邑  
巨巖大壑多石泉飛瀑之勝上有石棋坪龍湫相傳爲  
仙人遊奕之所湫中有龍蟄又有大小石甑蒸鬱雲霧  
土人時聞鳴聲以占豐歉邑人吳之章邱士藻記畧詳藝文  
邑人黃邦光拔貢樂平教諭項山詩云千尋峭壁項山頭  
雄踞東南最上游大甑雲生連小甑虔州境接到梅州  
每從風雨徵離合自有神仙任去留尋得土人相問訊  
猶聞怪物嘯呼不

邑諸生潘文得項山詩

項山萬仞雲霄盡衆山皆高此尤獨我 祖追冠來此

鄉蘿草開基山之麓有懷仰止已多年而今始得景前  
賢登山不借阮籍屐披草剪荆造其巔左連粵梅右連  
汀西江對面山列屏聚族環居家千百繡壤相錯認畦  
町風雲變幻不可測奇鳥異花懸崖側坐石雄談頃刻  
間天上相聞距咫尺忽然返照落日紅攜手偕歸冠與  
童飛身疑躡雲梯下大笑一聲天地空

邑人張鑑項山詩云

馬蹄鎮巖城實爲嶺北限崇岡鎖戶樞業茂雄關鍵造  
化鬱磊砢元氣不散差裁拔項山漢表獨婉變朶朶削  
芙蓉陡直勢如剗雲縈吳楚區王氣滋蔓衍羣岫羅兒

孫雙峯列甌甌飛瀑落珠簾日暮常不捲羽仙時翺遊  
鶴馭雲爲輦環山俯閩粵邪郭雜蠻蜚蔗米斷還續遠  
近紛在眼鈴蓋雖削劣豈足爲弁冕帝命鎮南服芝泥  
應列版

王世開詩云望擅雷封峻莫京玉屏青入碧空橫山腰樹  
有千年秀石頂泉餘十畝清雲接下方迷粵嶠目延南  
斗辨江城探奇險藉昌黎勇賦景誰留太白名

吳之章詩云絕巘崔巍插青天搏風霜隼碍高鶩百里仰  
視猶決背人跡豈到雙峯巔竭來便欲躡雲煙手摩蒼  
穹呼飛仙縱覽乾輿窮八埏大書記遊磨厓鐫此山此

詩庶永傳

鸞羅嶂縣南七十里雙橋境綿亘百餘里蒼翠聳拔山頂  
高瞰數邑爲一堡鎮山

邑諸生曾宗傳詩云鸞羅翠嶂入雲巔雄踞雙南尺五天  
深谷密林迷野霧草廬茅舍認炊煙兒孫環立羣峯秀  
一面目留真萬笏聯尋到最高層上望扶桑日出杳無邊  
三足石縣南七十里雙橋境石平如砥上可坐千人下有  
三石鼎足相承跡不能上又名仰石

孰列巖在雙橋留車墟巨石對立空洞穿豁俯視溪潭巖  
皆倒影

丹竹山縣南一百二十里雙橋境其山產竹皆朱色有斑痕下爲人村樓名丹竹有絲茅坪巡司

大同山縣南八十里雙橋境羣山至此會同高者低者去者立者長者短者起者伏者迷離變幻是山之一會同也故名大同山

盤龍山縣南六十里雙橋境山勢回環四面石壁峭立一路可通上有清泉四時不涸中建梵宇山頂四望極自無際昔人常避亂於此

獅象石縣南八十里雙橋境爲龍圖水合馬蹠江處兩石對峙如獅象蹲立

另石嶂縣南七十里雙橋境員頂聳起獨標穎秀下爲石貝人村

羊子石縣南八十里雙橋境羣山屹立中一石峯特出如出林石筍

涼天嶂縣南八十里雙橋境南界平遠象湖北爲大田人村循麓村庄疎落高出羣山之上雖盛夏猶寒

鴉髻嶂縣南八十里雙橋境山褶層疊如風展綠旗其長竟數里山下爲大田人村

長甯縣志卷之一 水利志

泉溪潭陂塘井附

自古在昔畫井投田溝洫畛域濬澮距川石谿山谷孔  
裕源泉恃彼陂塘惠彼滴涓以滋以潤祝望有年目  
然之利受賜無邊

舊志

水利

馬蹏江在縣前發源于雞籠山十里至三標堡十五里至  
長溪尾十里至長舉文光山納北廂水五里至縣東門  
五里由石圳至小布樟樹下納西南廂水十里經河嶺  
至竹子坳合鄴鄔江俱通舟楫十里由老鴉潭至澁石  
排灘石險阻十里由麟石下至青龍巖納八付南橋二

堡水十五里至車頭納羅陂水十里至張子寨西納龍  
圖水至雷車東納壩田水十里至杉子峯納大田水二  
十里至廣東龍川界渡田河納黃鄉水同歸于粵

鄒鄔江在縣東四十里發源於安遠分界之新窖路十里  
至土嶺五里至登豆嶺下納鴨子墓前水五里至水源  
保十里至北亭十里至鄒鄔保納杜嶺水始通小舟二  
十里至滋溪納劍溪水十五里至腰古黃荆潭納項山  
水十里至竹子坳合縣前水

北廂水在縣北五里源出黎坑山由長舉文光山入馬蹠  
西南廂水在縣南五里其源有二一出于雲屯峯下出上

逕勇洞一出于打鼓嶼由圖合長隆二水會流于田背  
村至小布樟樹下入馬蹠江

東廂水在縣東十里一出九對嶼由長嶺經大路下一出  
銅坑嶼由東坑而合流田螺湖至藍背入鄒鄔江

項山保水在縣東南三十五里源出於項山大坑山由項  
山經黃拔至黃荆潭入鄒鄔江

滋溪保水在縣四十里源出於武平縣界馬戰嶼由賴地  
經黃竹湖劍溪至滋溪入鄒鄔江

八付保水有二一出於廣東界鳳頭坳一出於湘湖坳合  
流于下廖由碓下水至青龍入馬蹠江

桂嶺保水在縣東六十里源出於羊牯額由桂嶺經岡背石陂肚至城岡墟下入鄆鄆江

雙橋保水在縣南六十里一源出於羊麻礫由石貝至壩田一源出大同山由溜頭經壩田入留車合馬蹠江水

一源出岑峯山自合塘際經大田至杉子峯

入馬蹠江流入廣境

大墩保水在縣東七十里發源於周輦由大墩保合橫岡長輦水十五里入安遠雁門上曾納福建武平分界水由羊角營漢仙巖下十五里至均門嶺爲湘水之源

黃鄉保水在縣南七十里發源於安遠太平保二十里至黃鄉巡檢司城合定南分界雞籠嶂水三里至岡下灣

二十里至菖蒲塘三十里至渡田河合馬蹠江

雙橋堡大田水縣南八十里其源出於岑峯山由官材洞雙窄裏至大田甲黃溪入杉子峯歸馬蹠江流入粵

邑人邱上峯曰嶺南北西漢時俱趙尉佗地疆理所不及其陂渠溝洫之利不得而考矣長甯邑環萬山高崖窾谷叢如覆盞鱗爲田近以

聖朝煦育生齒繁盛卽崇山峻嶺升級至七八里俱隨麓循腰懇砌成田何者水以山滋田以水潤山雖高泉不乏耳若春夏驟雨霖霖衆谷奔會溪澗漫溢沿割溪田然踰時立涸非如長源大澤全資堤壩者比或不循故



道則東澗西田西澗東田相勢補墾卽有水勢冲損合力築堰亦功費不煩如遇旱乾所在有小陂過水澗塘引流儘足資灌總以山多田少不幸有此而山崇泉裕所幸亦在此也惟南橋車頭暨雙橋黃壩鵝湖等處山平泉管多不能陂恒患焦旱然桔槔輪車亦人事可佐至灌澗塘之設各廂或古或新所在多有土人徂於目前近利不恤遠害或多淤塞種稼致累下流熟田深爲可惜如屬私業亦可畝買爲公以溥厥利閭閻愚不自謀惟在賢司牧之加意勸導云

邑人凌任台貢水論曰長邑十二保水多入廣惟大墩

水源出於周畚合橫岡長輦水十五里流入安遠雁門保上會人會昌合湘水爲貢水考府志貢源有四綿水之新樂居其一而湘水居其三一出於周畚入湘水一出於武平島嵯嶺流龍溪入湘水者信矣非出於項山也夫項山介江廣之交負平遠面長甯山下之泉皆入於廣無涓滴入於贛會昌胡道宏作湘源考亦得之耳聞予嘗沿流溯源親至其地見馬戰嶺高蘆漢表南連白花嶂筆架山北界之水由賴地李畚經安遠之山背至上會夾江潭匯周畚山水爲湘水府志所云貢源者卽此周畚山之水遠此水十餘里雷次宗云十川均流

而此源最遠故獨受名焉謂章遠於貢故經章而支貢也則貢水又當以周畚山爲經而馬戰嶺新樂又爲支矣

### 灘

邑人張鑑云城岡買艇至吉潭三十里俱無灘然舟子必停泊午膳於此以枵腹不能涉險也再順流二十里其灘曰剪刀窖怪石嶽巖三折穿過浪如濺珠飄雨驚心動魄不轉瞬激湍飛流而至長潭峯兩崖亂石紛疊中儲深潭水色澄黝深不可測善沒者見底石穿透日光下燭魚鱉畢現三里至合河口馬隄江水會焉又一里

曰晒穀灘又一里曰老鴉河曰畫眉灘又一里曰猪婆灘俱不見險一里至澁石埭曰梅子灘石尖鋸利橫塞江流一線中通艇如梭擲不二里灘曰高缺滿江巨石壁立河水挂流如亂泉飛注舟溜而不一旋螺觀者以爲舟沉矣忽見舟從水底而起復有危石數十丈當面矗立齧齶怪張亂稜芒角稍折而下灘曰獅子峯石如獅踞盤截中流止容一力諸灘凡十數里一艇連束於巉巖峭壁間篙師手不停而目注視稍不得心而應手往往隨漩而吸於水底舟從上下人從岸行以畏途也又二里曰長灘又五里將至青龍兩岸危石插天高聳

崢嶸排列於左右若水絕矣舟轉一曲望峭壁玲瓏深  
潭澄碧參差梵宇煥乃幾聲遊人至此徘徊而不忍去  
由此五里至車頭十五里留車皆平坦無虞矣

國朝吳之章獅子灘詩云

新水半篙長扁舟一葉輕山花  
多躑躅谷鳥盡倉庚溪曲隨山

曲灘聲亂棹聲龍巖  
三十里不異駕長鯨

### 泉

冷煖泉距縣五十里南橋保境二泉相去數尺一冷一煖  
里人鑄冷煖自知於石

飛泉距縣四十里在項山保境從危石飛下數百丈遠望  
挂水晶踈簾

獅子湖距縣三十里南廂境中開一湖四時不溢亦不涸  
時見白鵝浮於其上逢人即沉

飛鐘潭距縣四十里即青龍巖寺鐘聲韻悠遠忽一日不  
見後有漁人入水底見有一鐘疑即寺內之鐘飛落於此

仰天湖距縣六十里安遠三標接境蒼崖峭壁有瀑飛流  
中阿一湖澄見底流入成溪爲濂水發源之所

猪蛟窟距縣四十里南橋境相傳溪中一窟深不可測時  
見躍蛟於窟村媪以污物漂窟中蛟遂不見

筠溪在水源保周畚村遍岸緣筠一溪中流昔人有竹葉  
滿溪流之句即長邑一水歸贛發源處

醴泉井在縣南五十里車頭村泉味甘冽取以烹茶釀酒  
味更勝於別處極鮮美

湯泉在縣南二十里之熱水鄉凡三窟廣長不踰尋丈初  
坎其沸不可以觸指次則熱稍殺可浴能已病村人多  
浴於其中會渠灌田成熟先於他處

國朝吳之章熱水灌田行云

驪山溫泉名天下幸土雖多皆其亞但堪供浴不堪嘗當

時徒爾高聲價無如茲水出遐陬獨與寒泉性不伴出山灌溉田于畝梗稻先時慶有秋所惜涓涓力有限未由澤沛無遺向堯封如得盡皆然霜鎌不待耘根見

石圳泉在縣南五里有清泉爽潔夏月人多飲之

黃志

大禾坪泉在南坑去縣三里許出土壤一泓清澈瑩光如

玉味甚甘取以瀹茗絕勝

冷水坑泉二一在縣東門河背大悲閣後右邊出自石罅

清潔甘冽瀹茗味佳又一在縣北五里出邑左護龍之

老虎山双坑壑深尺許味甘冽飲雖滿腹不爲患

可已痼疾

背井岡泉在縣北三里酣冽如蜜試以衡石較他泉獨重

作酒較他釀更佳

陂

擔水陂 在縣南福善橋下

小河陂 在城南太平橋下

竹山陂 在北廂

三埧陂 在北廂

河陂 在北廂

神壇陂 在東廂長嶺

青江陂 在南廂

千功陂 在南廂

打鼓陂 在北廂

水魚陂 在北廂

黃牛叫陂 在三標保

鷓鴣陂 在桂嶺保

周田陂 在大墩保

大江千功陂 在大墩堡

長阜陂 在郭鄔保

鄒陂 在郭鄔保

石陂肚陂 在郭鄔保

文光山陂 在北廂

上下林陂 在腰古保

高車陂 在滋溪堡

租功陂 在滋溪保

黃金潭陂 在項山堡

黃坦陂 在南橋保

朱村陂 在八付堡

上下羅陂 在南橋保

岑峯陂 在雙橋保

鴨公陂 在北廂南坑

黃荆陂 在黃鄉保

古坑黃泥陂 在八付保

徐溪下埧陂 在黃鄉保

張干寨陂 在雙橋堡

丫髻陂 在北廂南坑

北子石下陂 在黃鄉堡

高車陂 在黃鄉司署前

鴛鴦陂 在黃鄉犁田埧

栢子陂 在黃鄉保

塘

牛角塘 在北廂

三角塘 在北廂

東坑塘 在東廂

泥竹塘 在北廂

趙坑塘 在南廂

張硃塘 在三標保

瓦子塘 在滋溪保

沙塘 在腰古保

石角塘 在桂嶺保

土江塘 在大墩保

石角塘 在鄴鄔保

祖塘 在腰古保

仙人塘 在南橋保

石角塘 在頂山保

溪尾塘 在黃鄉保

蔗古塘 在黃鄉保

赤塘 在黃鄉保

丫髻塘 在黃鄉保

石縫塘 在南橋龍圖村

漕碓塘 在南橋龍圖村

大蓮塘 在南橋定田村

觀人塘 在南橋定田村

蕉坑塘 在南橋定田村

下園塘 在縣城南門內

張天塘 在壩田寺背坪

井

讓泉井 在縣署內右側康熙三十七年邑令朱騰蛟卜地新濬上覆以亭置轆轤汲水顏曰讓井

曉鐘井 在縣治鼓樓前 分司井 在分司前

城西井 在西街口 新井 在溫屋角

劉家井 在府館前 城南井 在絃歌門左街

銅鼓井 在老南門街井底之北面巨石盤結空洞穿豁以小石投之鏘然作金鼓聲

沸泉井 在阜成門龜爪下 澄泓井 在南城外

源泉井 在南城外任取不竭 廻龍井 在新寶街

橋渡

雙虹橋在春旭門外馬蹠江跨雙橋於上故名俗稱東門橋

小東門橋在陽和門外道光間駱韶堂捐造年久朽壞同治八年何亦松劉淑萬駱步蟾等勸捐重建並勸贍田畝

太平橋在絃歌門外通街爲橋舊名大士橋明知縣沈文淵把總謝勅建陳九韶記後經疊修並建觀音閣其上俗呼觀音橋道光己酉知縣劉自清重修

石田心橋在南門外觀音橋之下建造失考年久傾圮

易木爲之同治八年潘文揚駱超駿等倡建改用陶  
磚爲甕橋

福善橋亦在絃歌門外社稷壇下 永興橋范作輔建  
石圳橋在縣南三里 石仙橋在釣魚寨

福緣橋在樟樹潭 田背橋 居紫橋俱在南廂

新村橋二一近壽星嶺劉漢傳建一近黃鄉逕俱西南  
廂去縣二十五里

羅家橋在北廂舊名鳳凰洲渡今立木橋同治七年駱  
鵬冲等勸捐復立一橋 通濟橋

東拱橋俱在縣北十里 東坑橋在縣東廂

觀音橋在高埠 萬盛橋在公平墟 甯遠橋

菖蒲橋俱在黃鄉堡 善行橋在龍圖白鵬峯

福興橋在青龍溪俱南橋堡

新布橋 高橋俱在三標堡

永善橋在城岡壩子乾隆初年凌孟連捐贍田租六石  
道光十年凌德璋等倡捐復贍租五石又上埧子店

屋一所

龍勾嘴橋在城岡水口黃田渡初建置失考咸豐年間

藍 玫 藍 琿兄弟捐造同治初年藍其鋒捐贍  
添造雇工約費用錢七百餘千文



石柱橋俱在鄴鄔堡

鄴鄔橋在凌富村大河唇同治十年凌爲成凌官福等

倡捐復贍田租捌拾石

永安橋在滋溪堡大坵角凌立先建

清平橋在水源坵

高橋在八付堡葫蘆洞

亘濟橋在湖塘

永安橋在下廖俱八付堡

留車東橋廊榮渭建其壻曾宗高修復建亭其上復燬

於火其裔孫廊銓道與族弟銓謙糾族重修

留車西橋曾之佐建 鹽路石橋乾隆二十三年曾應

拔建

盤安橋劉復誠建

永安橋劉復祥建

夾璜溪橋

河上逕橋在雙橋堡

大陂角石橋

牛皮灘橋俱在腰古堡監生曹起淵兄弟建

甲午橋二俱在三標堡一建坵前蕉頭壩一建坵下黃

竹灘乾隆三十九年甲午知縣李廷佑捐俸倡率邑

人曹愈昌胡健菴黃松陶等建並置贍田又修三標

墟路二十里鑿開九脚灣路一里知府寶忻記

鴨子墓石橋二一謝成成建一謝見文等倡捐衆建

河嶺渡距縣十里上下二橋雨漲舟渡 新春渡南廂

老鴉河渡距縣二十里秋冬架橋春夏船渡潘王胡姓

捐田以贍同治十年邑人劉三福陳德球范龍昔潘

懋修駱士松等勸捐倡建石橋三甕門知縣唐家桐  
記 長甯城南二十里之老鴉河達粵孔道舊無橋  
行旅往還皆賴舟楫春夏間山水暴漲渡者每憂覆  
溺邑耆民劉三福枯相近目擊心憫兩岸特設茶亭  
宿店戒客侶夜濟雖涉者得所棲止猶難免風濤之  
觸險也思建石橋以利之顧工程浩繁需費甚鉅劉  
固貧士力不逮其心前宰陳賚臣明府諭衆集貲爲  
助嗣以經費不足功幾半途而輟同治壬申余攝邑  
篆三福復上請誓毀家變產以償初願余嘉其樂善  
之誠允爲致力詢諸首士劉世仰等則以移置庫牛

下河之右爲宜而潘懋修等又謂原建處增築爲便  
所見雖殊而其慎重之心則一也余親往踏勘細察  
下河地勢水口較窄易於衝激不若原建之所沙平  
流緩植基可垂久遠遂與諸紳明決去取其議乃定  
隨募匠役購木石諏吉興工邑人及各處商民紳宦  
欣欣然爭先解囊玉成盛舉擇公正之士劉三福陳  
德球范龍貴潘懋修駱士松等董其事自壬申春月  
起造至丙子冬始告竣橋凡甕門三長十六丈廣一  
丈六尺復建崇義祠於東岸橋基鞏固規模宏麗觀  
者壯之行者便之司事者莫不蹲蹲起舞酌酒相慶

蓋斯橋旣成非獨擅一方之勝兼可綿百世之利也不亦快哉去冬劉生丕誠謁余於瑞金官署述橋事甚詳悉且謂都人士以此舉在余任內創始者必圖終務乞一文紀其實余曰是役也劉紳倡義於先諸君助美於後斯可尙耳若余之相度經營則有司之本職也何預於我哉婉詞謝之使歸今者復俾走賫書來固以右記相屬情意懇摯夫不在其位而謀其政僭也余之解篆已兩載餘矣乃諸紳猶拳拳於舊令尹索言於數百里外其民情之厚風俗之古畧可概見余雖不敏又安忍引小嫌而自外乎爰誌其顛

末鐫諸石凡當時之任事輸財例得書名於左

車頭渡在南橋堡距縣五十里

藍背渡在藍背村距縣二十里

廣濟渡在吉潭 長興渡在陳屋壩俱腰古堡

麟石背渡在入付堡距縣四十里

城岡下坵子大橋王善成捐造

黎坑坵石橋蕭姓建後圯曹輝翰兄弟復建

古村石橋陳春發徐振麟曹元學等倡建

城岡坵在鄴鄔堡上有塘汎甯都雩都二邑鹽埠車船至此停泊起運爲小舟總會要津

吉潭埧在腰古堡亦有塘汎小舟多至此停泊

夾河口岸在竹子垌距縣十五里東西二津夾會東訖城岡埧西訖河嶺埧止泊 澁石牌岸在入付堡距

縣二十五里灘石如齒舊有過載行

青龍岸距縣五十里小舟至此停泊俱入付堡

留車河岸距縣六十里爲舟載總會要津 河上運

岸距縣百里地接興甯龍川昔通小舟俱在雙橋堡

長甯縣志卷之一

官署

上諭亭舊在阜城門內雍正十三年知縣陶正士就分司義學舊址改建

長甯縣治在中大街北南向明萬曆三年顧撫江一麟檄知府葉夢熊知縣沈文淵建今稱老縣堂萬曆十年知縣徐充遷建於鎮山樓下東向前爲琴堂後爲川堂知縣李廷佑額曰忠愛堂東北爲瞻雲堂後有鳳尾蕉一本明以前物舊爲典史廨

國朝康熙七年知縣井廠修自爲記四十三年知縣朱

騰蛟修教諭吳用今記五十四年署縣高成齡修五十七年知縣邵錦江遷建典史署於預備倉舊地因改爲寢室會昌吳湘臯記又建環山堂於署後今祀忠愛堂南爲香火堂又東南爲怡雲書屋舊有慎麗堂官梅閣俱廢忠愛堂後有告帝亭亦廢前爲屏門額曰履中又前爲宅門琴堂左爲贊政堂今爲庫右爲七姑祠兩翼分六房中有戒石亭騰蛟改樹木坊前爲儀門南爲土地祠又南爲常平倉北爲寅賓館知縣鄭天敬改建於七姑祠右今祀儀門之北爲監獄前爲譙樓知縣黃鑑修知府朱光圉有記舊有旌

善申明二亭今亦廢乾隆四十一年知縣李廷佑五十七年知縣宛建侯相繼重修堂室道光十五年知縣王恩需建習射亭於署左同治九年知縣沈鎔經重修譙樓自爲記并吳朱各記詳藝文志

沈鎔經重修譙樓記 官廨傳舍也他邑或有戀棧之念長邑賦紕事繁蒞此者去之惟恐不速愈以傳舍視之無怪乎廨宇之日就頽廢也前并朱高邵各令修葺署舍而未及譙樓豈不以蕞爾一椽苟蔽風雨其他又何計焉夫徐令之遷置也譙樓之設與署後鎮山高閣互爲輝映奄有一邑之勝形家說君子

弗道但藉是樓以謹時刻定寢興俾小民知作息之  
有常而居是宇者夙興夜寐無失其時亦觀政之一  
端也任其廢棄可乎余蒞治見廨舍卑隘瓦破垣頽  
不可以處然以費鉅驟難集事譙樓屹立治前爲出  
入所必經爲觀瞻所共式棟折椽崩勢將壓焉爰召  
梓人圻人而謀之鳩工庀材集貲諏吉兩月竣事或  
疑屢任視爲傳舍無過而問者子獨不以傳舍視之  
得毋迂甚余告之曰昔叔孫昭子館於晉日葺墻屋  
歸如始至郭林宗至逆旅必躬自掃除亦人之所見  
有不同耳以傳舍視之則如石可之題驛壁語所謂

明日卽去何用如斯也不以傳舍視之則守土一日  
卽不得辭一日之責也瓜期及矣不敢以傳舍視之  
者獨此樓也哉是樓落成後民其知作息之常而令  
之蒞是土與後相繼者愈以惕勵其昕夕不遑之志  
勤勞民事毋以傳舍忽之也是亦可以觀政豈僅與  
高閣前後輝映惑於形家之說耶

教諭署舊在明倫堂後

國朝順治初教諭改設訓導因爲順導署康熙二十一  
年復設教諭吳用今別建署於崇聖祠後北向雍正  
九年教諭饒循文改爲南向乾隆六年教諭陳學海

長甯縣志 卷之十一 官署  
仍改北向顏其門曰拱北嘉慶二十一年教諭彭景  
賢重修道光十八年教諭萬青銓重修自爲記

歲丁酉五月余莅斯學任至則齋署多就頽圯幾無  
以置講席卽欲捐俸修葺隨奉檄送諸生鄉試馳逐  
會垣逾歲戊戌四月回署始得鳩工閱月廳宇一新  
又添建三角小亭非徒容膝易安亦以揖羣賢之芳  
躅供遠眺廣德心庶幾朝夕於學不負所職也考志  
載長邑學宮舊本今趾不知何年移建縣治側且極  
卑陋康熙初吾邑吳公用今乃復移回今趾而齋署  
亦並興焉逮乾隆戊申鍾公勳添建花廳數十年來

乃復從事於斯夫仍舊爲前賢所尙而余急欲新之  
何哉嘗讀朱子教官廳壁記曰教官之爲職難惟自  
任重而不苟者知之以其爲易而無難者則苟道也  
余至之日嘗謂客以爲縣官執法法治於已然教官  
司教教施於未然且法行於一日教服於百年

朝廷設官分職以一邑人士補弟子數十百人昇之教  
官教官固宜朝夕於學而相從於學者亦宜朝夕從  
之而學舍無置席地其又奚從哉夫子善子荆之居  
室以其言苟完苟美也則不必美輪奐苟肅其觀瞻  
斯亦可矣惟自任有不可苟者余亦勉爲其難先掃

一室以施之同學其視此椽題不詰匠氏之以杙爲楹乎工竣記之以礪於石知後之人皆有同心也

訓導署舊爲教諭署南向歲久傾圮雍正九年建嘉慶二十年訓導汪大謨重修改署門北向

黃鄉巡檢署在黃鄉司城內建於明嘉靖二十三年少宰歐陽鐸爲之記今廢

新坪巡檢署舊在大墩堡明成化間建

國朝順治五年巡檢徐良弼奉檄遷建於雙橋丹竹樓十六年復遷於雁洋坪歲久圯乾隆以後巡檢始儼留車民房以居今仍之

典史署舊在縣治琴堂左康熙五十年典史鄭之鵬新之知縣井厥顏其廳曰鼓瑤五十七年知縣邵錦江遷建於預備倉舊趾左爲堂顏曰皆春又爲息軒後爲內省堂邵有記詳藝文志道光六年典史馮習仁重修

分司行署在縣治北外圯康熙五十八年知縣邵錦江改爲義學雍正十三年知縣陶正士改爲朝賀行禮地

府館舊在春旭門今改建楊公祠

公館在三標堡知縣井厥額其堂曰謀野



防汛署在陽和門內舊爲長甯營署歲久圯嘉慶二十五年把總馬文義就故趾稍遷而北與邑人重建並創建協防公館於門左

考棚在陽和門內嘉慶二十五年知縣李衢教諭彭景賢倡建彭有記詳藝文志

醫學陰陽學僧會道會二司俱無公所

校場在南門外

鐵廠在圍子圪乾隆三十九年商人嚴永盛以入付南橋二堡溪內流產鐵砂呈請設爐鼓鑄知縣李廷佑援照上猶縣例詳請奏設建爐四座後圍子圪薪炭

日少分設西廂窑異橋二座又分設滋溪珠粉角一座嘉慶間咨銷西廂額爐一在雙橋堡丹竹樓乾隆五十九年商人鍾常豐呈請設額爐四座收買年遠礦石鎔鑄嘉慶十二年巡撫金光悌因爭礦咨請銷革一在鸞羅嶂珠湖圪無礙廬墓嘉慶十七年商人賴趙興以西廂屏風山出產礦石呈請開設大爐一座巡道查清阿詳咨請建府志

育嬰堂舊在阜成門內道光十九年署知縣倪承璠捐俸改建阜成門外

養濟院在阜成門外邑屬壇前

常平倉額儲穀一萬二千石自清查案內盤缺穀一百七十五石一斗二升咸豐同治年間籌辦軍需各前縣任內先後動用倉穀一萬一千八百二十四石八斗八升顆粒無存至今未曾買補

社倉儲穀舊共四千三百十八石二斗四升八合二勺賊燬無存

同治十二年知縣唐家桐勸捐各廂堡社倉六十八處共儲穀叁千零二十四石五斗

長甯縣卷之三

寺庵志

迴龍寺在城南絃歌門外平岡迢遞環城垣如迴龍左顧康熙三十四年乙亥邑令朱騰蛟重建改爲福甯禪寺歲久傾圮道光二十四年邑人重修

觀音閣二一在陽和門內一在絃歌門外觀音庵

在縣北五里

東華山庵在城東門外門對雙虹橋望之如長虹

大悲閣在城東春旭門外培風塔右僧元籌建閣前舊有荷池其花白質紫邊名觀音座蓮亦名鸚鵡舌堤邊植柳金線拂池閣後蒼松翠竹右旁清泉直通香積厨邑令井厥題曰別一洞天

松江盛晉寓大悲閣詩云 客中無所事盡日共僧閒屋角松多韻階前菊正斑茶香

浮北牖爽氣納西山雖 曹植章過大悲閣晤僧巨山詩

有湖陽約幽情不覺刪 云自得高僧住經過未厭頻橋通南岸閣路繞阪田新

精舍雖連郭禪心不染塵 擢眉蓮社客喜與遠公親

張璠大悲寺倚薰樓詩云 三秋老去落梧桐夜坐層樓

稍雨氣入樞中聽泉始覺心 情淡對鏡方知 吳之章宿

大悲閣詩云 招提來白昔此夜寐何難石漱溪聲苦霜

飛月魄寒漏鐘通枕角香 氣息旃檀竟夕

踈樞白多 疑曙色看

法華庵城南一里昔有僧晤 徹法華因名其棟樑一株相

傳為董千斤負來

西華山庵在城西三里邑後 來龍處幽靜畱人蹊徑迥別

吳之章新晴同盛悔亭王鷺 村遊西華山寺詩云 出城三五

里野寺踏新晴薄靄迷松 塢踈鐘雜谷聲大先 邱上峯

僧出吠茶掃葉初烹日暮 有餘興還鑣醉柳營

春遊宿西華山寺詩云 葳蕤莢柳眼支策度祗園烟補

春山瘦禽招梵宇喧林深 天竟

渺酒聖佛忘尊僧榻 重訪西華山寺有感詩云 支策出郭門願

真清冷宵鐘入夢魂 言訪西華蕭蕭兩袖風披披拂良稼清間滴幽泉板橋

迤邐跨近矚憶昔游接眸 倏駭訝叢林富千章陰森失

炎夏如何竟濯濯斧斤慘 不赦祗爾有長春布地金無

涇澤庵在縣南四里

江東寺在馬蹄江東一名無為庵

吳之章過江東寺詩云 梵宮一水隔相去未為遙廿載

方重至叢林已半凋殘僧存後

輦斷碣識前朝閱世  
何須久浮雲過碧霄

梵慧寺在縣北五里青山綠疇蒼莽在目夕陽在山返照  
入林亦一幽刹也

觀音庵在縣北五里 吳之章晚步詩云夕照收松逕  
枯筇獨自支

暗泉穿石厲幽鳥入山遲犬吠樵人過  
僧歸犢子隨蒼茫迴野步嵐氣濕鬚眉

正覺寺在縣南十里

五福庵在縣南十里 崇峻俊麗迴環左右蒼松  
翠竹鬱然成林頗為幽曠

高山庵在縣北十里 岡巒透迤千松挺立  
翠竹吟風境甚超曠

金蓮庵在縣東十里僧元籌建今廢

萬松寺一名千佛庵在縣東十里昔產杜鵑花發如錦

吳孔興萬松山寺詩云何必無人境塵中有梵天門環  
雙夾水橋鎖四隣烟揮權成籬

密栽松覆蓋園貪茲 吳之章萬松寺坐雨詩云冥濛烟  
雨四山

清靜樂時藉謁金仙 迷舉足難容一杖蒸寺沒亂雲堆裏谷人耕深霧屯中

畦雉媒求食衝籬過鳩婦呼羣出隴啼盡日僧窓對茗

汁蕭然意味似闍黎 厭憎窓外檐聲時或斷林梢月色見何曾荒苔暗上空

庭遍野茵爭從朽枿蒸山寺無  
書堪豁目竹牀隨意閱傳燈

天台山寺距縣西二十里西廂境 棲雲庵距縣西二十里 邱上峯憇棲雲庵有感詩云杖  
委

經行處何來於邑心閒雲依別澗細草散空林烟  
霧隨人遠巒峯入望深上方鐘磬寂無賴失羣禽

仙羊巖庵在縣東十五里石壁峭峻因巖為刹不假楹桷

龕前繚以半扉俯視眾山有目極千里之概相傳昔有

村人入山見五色羊一羣趕去由巖而入竟不見出杳然無踪

九雲庵在縣東二十里卽九對嶺虬松夾道幽泉鳴咽滴

韻冷然饒有景趣 僧元籌有早發九對嶺詩云出門曉月

尚昏蒙猛着精神入亂峯遙見林深微有火定知寺近始敲鐘人行樹杪層雲濕路出山坳野霧濃曙色漸分

南北界愁思故園依青松

獅子巖庵在縣南二十里石如獅首唇齒宛肖中間開洞

如口泉從齒縫滴下注於池瑩澈見底因巖建刹別有

幽趣 邱上峯獅子巖詩云山窮谷盡黃沙水堆境白雲暝氣昏紫竹陰邊鐘梵

度青蓮峯下狡狴蹲新泉細滴牙尖液古蘚勻封額角痕坐愛香林斜照裏疎簾捲出萬崖奔

集雲庵在三標堡黎坑山距縣三十里高倚山巔一徑屈

曲層級而上僧可度師徒自創傑閣稱集雲相連

留雲庵萬松遮護佛閣中藏四時白雲羃戀其中素霰時

繞佛座

嵐蓋庵萬興庵俱距縣二十餘里腰古堡境

纂坑寺距縣三十五里滋溪堡境

寶雲庵距縣三十五里

白雲庵別峯庵俱距縣四十里

石清宮在滋溪堡距縣三十里幽岑闕寂別有境趣

大士堂在縣西二十五里路傍清溪縈帶繞刹修竹成林

境最幽勝寺僧馬避山常種菊花百種於堂前題其額

曰晚節香

甘露庵在縣北距城十里

龍華寺在水源堡 南陀山寺在桂嶺堡俱距縣五十里

崇勝寺在大墩堡距縣七十里

密煙寺北亭寺距縣四十里俱在鄴鄔堡

盤龍庵 石蓮寺 海惠寺俱距縣六十里南橋堡境盤

龍庵明季僧通甯建邑令何玠有宿盤龍庵詩云 何年脫骨

龍飛去化石依然作卧龍腹劈雲根穿詰曲脊盤仙刹

出從龍連天黛色迷銀海引戶溪光走玉虹可是作霖

懷未罄松濤 夜半起雄風

塵世界每聞 亂苗稂莠最關情為採風

梵語頓忘歸 謠事遠征壁陁路須攀樹

上山高人擬跨雲行屏環翡翠濃還滴泉迸琉璃

碎有聲慚媿鄉中諸父老道途勞爾共趨迎

塔附

培風塔在縣東南二里康熙四十一年壬午知縣朱騰蛟

倡建教諭賴士炳記歲久圯嘉慶二年戊午邑人曹斯

翰倡捐重修 賴記云 康熙四十年余奉鐸石溪沂湘

水踰筠嶺登澄江而西見其山

華以洩陽德之炳耀乃追建邑以來距今百餘年俊又

輩出而科名闕寂復旋異之嘗聞形家之言曰天氣有

轉徙而地運應之地運有推遷而人事乘之三者缺一

則方輪而不行此地列方之理氣咸協獨於巽隅尚缺

一峯夫豈地運之缺憾直待人事之補救歟上虞朱公

來蒞茲土數年政成每以文運為戚時屬予日形家巽

地宜塔之言或非誕乃退而謀諸士民僉躍然奮擇地

塔

於城東南二里山逶迤如屏列於絕頂定厥基召工興  
役與諸生陟登而遞督焉爲級九層勢懸地絕鳩工于  
壬午年五月既事於十一月糜金錢若干公召勿士合  
謙以落之名曰培風志巽地也策圖南也陽德之兩耀  
其於塔洩之乎自塔之創長邑之山川已完美矣我長  
土苟其德備道充積中而發則舉足愈遠置身愈高人  
愈仰之矣培風斯厚大翼有力自此搏扶搖而上  
者九萬里則風且在下余又安能測所息薄哉

江東塔在縣東一里乾隆二十七年壬午邑令黨新綬倡  
率邑人創建

